

GARO – “Who will deliver me?”

SAWA ANGKO JOKATGEN?

Robibal salsao anga Lesothoo saksa dilgipani song damsao Nama kattako skiprakaha. Banga manderang, dilgipa aro uni jikgipa baksa Isolni kattako knatimna tomba-aha. Ua tanggipa katta, bimchippipa, matsramgipa pilak tonualna bate matbata, janggi aro gisiko aro biritchu aro geuko dingtanganiona kingking su-prua, aro ka-tongni chanchia aro mangsongako jininga.

Jensalo anga skiprakuengachim, ua dilgipani jikgipa rani, namen grapna a-bachengaha. Uni perango mikchirangan joksole ua chakate game grape inaha, “Sawa angko jokatgen?” Ka-sape angko dakchakbo, angni ka-tong namen sa-dikgipa ong-a, anga misilgipa aro namgijagipa mande ong-a. Sawa angko dakchakna man-gen? Sawa angko ia namen kengnigipa papni ka-oniko nal-jokatgen? Anga maiko dakna nanggen? Na-simang pilakan angko uia, angara dilgipani jikgipa (rani) aro anga saksa bi-gipa mechikba ong-a.



Pap ka-gipa Diaboloni ong-a. 1 Johan 3:8.

Bili kolgrikna batpilen anga giljao dongpaachim, indiba iarang pilakan angna dakchakani ong-jaha, uamang angko papni ka-oniko, jakgitel ong-atna man-ja. Anga saksa chu ringgipa aro mande so-otgipa ong-a. Angni jakrang angko ong-siata aro namgijagipa ong-a maina uamang chu dakaniko ka-a. Uan sao nanggipa ringani! Angni jakrang aro ja-arangko papan ka-aha, anga saksa Norokni koedi ong-a!

Ua namen ka-siksike grptaiaha aro a-songe gambee grapaaha: “Angko dakchakbo! Angko dakchakbo! Sawa angko jokatgen? Sawa angko ia papni silitingrangchi ka-oniko naljokatgen? Anga Isolni ka-saa, indiba pap angko sason ka-a, pap angko norokona salongipa ong-a. Anga angni skanggipa atchigipa depanteko so-otaha, jensalo anga chu ringe pekeming a-o ga-akeming romtomaha unon angni janggilo ba-enggipa angni ka-sabegipa chongipa depanteni skoo supneka gita dakon ua siaha. Ka-sapae angko dakchakbo, ia siaoniko angko jokatbo! Angni jatni dakbewalrang angko dakchakna man-ja. Torom angko dakchakna man-ja. Sawa angko dakchakna man-gen? Sawa angko dakchakgen?”

Anga aganchakaha aro aganaha: “Jajrengnabe. Ka-dongani gri ong-nabe. Nang-ni nengnikani sakantini nengnikani ong-a. Bibleo nang-ni ka-tongni grapana aganchakaniko on-a man-na. Ua an-chingna agana pap an-chingni janggi tanganiko sason ka-a indiba an-chingko jokatna man-gipa saksa gngang.”

“Maina angni chu-sokatengako anga uija; maina jeko ska uko dakronga, iade ong-ja, indiba angni mitchiako anga daka. Indiba angni siggijako anga dakode, niam nama ine anga niamna ku-rachaka. Indide uko chu-sokatgipa anga ong-jaha, indiba angongonggipa pap.... Uni gimin anga ia niamko nika, namako dakna sikon anga baksa namgija donga. Maina ning-ni mande gita anga Isolni niamo katcha-a; indiba angni gisikni niam baksa dakgrikgipa, aro angko angni be-enni bakrango donggipa papni niamna angko bamatgipa gipin niamko angni be-enni bakrango anga nika.” (Rom. 7:15-25). Basakoba ru-utgijan ia grapani sakantini ka-tongona re-bagen — “Anga maidakgipa duk – man-begipa mande ong-a! Sawa angko jokatgen?”

UA AGANCHAKANI


“Depante na-simangko jakgitel ong-atode, na-simang jakgitel chongmot ong-gen.” Johan 8:36.

Pilak an-chingni singanirangna Jisu aganchakgipa ong-a; uan nangni singanina aganchakani. “Aro sakgipino pilakoba jokani gri indiba Jisuni bimungosan.” (Wata 4:12). Jisusan mangmang an-chingni paprangoniko jokatna man-a. Uni chisolong an-chi on-chakanichisa an-chingni papko rongtalatna man-a. Darang doctorba, darang samba, darang ojabo, darang mandeba, darang skiprakgipaba ba kamal, darang mondoliba nangko paponiko jokatna man-ja. Jisusan mangmang, Isolni Mes Bi-sa jean

a:gilsakoni papko ra-anggipa, nangko Uni an-chichi aro Gisik Rongtalgipani Bilchi jokatna man-a.

Jisu Isolni Depante ia a:gilsakona re-baaha. "Mikgrini mikronrangko mikaoatna, patokoniko koedirangko, aro patok nokoniko andalao a-songgiparangko rimongkatna." (Isa. 42:7). Jisu agana, "Pap ka-gipa sakantian papni nokol ong-a... indiba Depante na-simangko jakgitel ong-atode, na-simang jakgitel chongmot ong-gen." (Johan 8:34-36). Jisu jean Bebegipa ong-a, nangko jakgitel ong-atgen.

Jisu Isolni Depante Uni be-entangko chisolo on-chake an-chingni pilak paprangko ra-angaha. "Bebean an-chingni saarangko ua ra-chakaha, aro an-chingni dukrangko ra-angaha... indiba an-chingni niam peanirangna ua mata buako man-aha, an-chingni namgija dakanirangna bnekako man-aha; an-chingni tomtom ongnini doke skianiara Uni kosako ong-aha; aro uni doka man-achin an-chingko an-sengataha." (Isa. 53:3-7).



Depante na-simangko jakgitel ong-atode, na-simang jakgitel chongmot ong-gen. Johan 8:36.

Barabbas jean papi aro mande so-otgipa ong-achim, sinasa kraachim. Ua chisolo datkapako man-a kraachim, indiba Jisusa uni biapko ra-skae chisolo Barabbasni sianipal siskaaha. Jisu, Isolni Depante, Barabbasni palo si-chakskaaha, nang-ni palo, angni paloba, mande so-otgipasa jakgitel watako man-skaaha maina sakgipin siskaaha. Na-a aro Anga Barabbas ong-a.

Papni dolmaha sia, indiba Isolni ka-sae on-aniara an-chingni Gitel Kristc Jisuo jringjrotni janggi ong-a. Na-a bebe ra-e Kristoni chisolo ong-anik niatode na-a an-tangko aro nang-ni papko chisolo datkapaha gita nikgen.

Jisu nangni biapko chisolo ra·aha jedakode na·a jringjrotna tangna man·gen. Ua Uni an·chiko on·chakaha jedakode nangni paprangko kema ka·gen. Maina Isol inditan nangna·ka·saaha ua An·tangni saksa kamkam Depanteko on·jok, jedakode na·a gimagija jringjrotni janggiko man·gen.

Ia kattarangko knaani jamano dilgipani jikgipa Jisuo bebera·aha aro uni ka·tongko una (Jisuna) on·aha. Ua uni paparigipa ka·tongko Isolna on·e aro uni gital ka·tongo Gisik Rongtalgipa gapchinaba on·aha. Ua uni pilak paprangkosan kema ka·aniko man·aijaha, indiba papni bilonikoba naljokataniko man·aha. Ua somoioni intaltal banga bilsirangna, nama janggi tanganio, chee janggi tangaha. Ua je ong·oba pekgipa (beer) ringaniko ringjaha, alku opjaha ba sada cha·jaha, rongtala janggi tanganio tange aro bebe ong·ani gimin saksa nambagipa saki on·gipa ong·skaaha. "Uni gimin saoba Kristoo dongode, ua gital daggimin ong·a; gitichamrang gimaaha; nibo, uarang gital ong·aha." (2 Kor. 5:17).

Ka·sara poraigipa, na·aba Jisu Kristoo bebera·achi jakgitel ong·ako man·gen. Jisu agana, "Pilak gamgipa aro bal·jrimgiparang angona re·babo, anga na·simangko nengtakatgen." (Mati 11:28). Na·a jeoba ong·bo Jisuona re·babo. Nangni pilak paprangko aro nangni nengnikanirangko una aganbo. Na·a on·ate aro nangni ka·tongo bebera·e re·baode ua nangko jakrara watatpiljawa. Haida na·a mondolini membora ong·naba donga indiba papchi kaako man·a. Jisuona re·babo. Ua nangko rangsanang jakgitel ong·atgen, jedake ua konchiritam man·gipako an·sengataha aro mikgriko nikataha gita chacha. Jisu apsaan ong·angkuu aro ka·a be·giparangko an·sengatna man·a aro chipchanga man·giparangko jakgital ongata. "Ua nangni pilak namgijarangko wata; ua nangni pilak saarangko namata." (Gitrang 103:3).

Jensalo na·a nangni ka·tongko Jisuna on·a man·aha, nangko jakgital ong·atgipani gimin gipinrangnaba aganskabo. Chingaba, nangoniko knana sikgen.

Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

For free Gospel literature, books and tracts in over 540 languages, write to:

E-MAIL: info@angp.co.za

ALL NATIONS GOSPEL PUBLISHERS

P.O. Box 2191, PRETORIA, 0001, R.S.A.

(A Gospel Literature Mission financed by donations)

(Reg. No. 1961/001798/08)